



UNIVERSITÄTS-
BIBLIOTHEK
PADERBORN

Universitätsbibliothek Paderborn

Magnum Matrimonij Sacramentum Casibus Practicis Expositum

Reutlinger, Ignaz

Augustæ Vindelicorum, 1716

VD18 10508716

Prooemium.

urn:nbn:de:hbz:466:1-40059



PARS III.

De iis, quæ annexa sunt Matrimonio.

P R O Æ M I U M.



AD complementum eorum, quæ diximus in præcedentibus, & in prima quidem Parte de ijs, quæ Matrimonium antecedunt, videlicet de Sponsalibus: in secunda autem de ipso Matrimonio, ejus proprietatibus, & impedimentis; dicenda supersunt adhuc aliqua, quæ Matrimonio annexa sunt, ita ut consequi vel debeant, vel saltem possint, & frequenter soleant. Non erat quidem ab initio hic mihi animus, quòd vellem hisce reliquijs partem peculiarem attribuere, sed constitueram, breviter eas annectere secundæ Parti; visum verò postea fuit, rem gratiorem Lectori me præstiturum, si Tertiam quoque Partem prioribus adijcerem, tum ne Secunda nimium excresceret, tum quia vidi, adhuc multa superesse, quæ fusio-rem expositionem merentur. Placuit igitur à præcedentibus se-juncta in novam Partem compilare ea, quæ neque viam ster-nunt ad Matrimonium, neque illud constituunt, sed quæ ex eo
velut

velut effectus oriuntur, uti sunt mutua, quæ ad se invicem conjuges habent, officia, & obligationes; tum quæ non ratò consequuntur, ut Matrimonium ritè contractum destruat, non quoad vinculum, sed quoad torum, & conjugum cohabitationem. Hoc ut clarè fiat, dividetur Tertia hæc Pars in duas Sectiones, quarum prima mutuas conjugum obligationes complectetur. Altera Divortium, ejusque causas. Utraque per Quæstiones, Casulque practicos hæc omnia exponet.



SECTIO I.

De mutuis Coniugum Officiis, & Obligationibus.



Uo genera obligationum consurgunt ex Matrimonio, quæ conjugibus durante hoc statu incumbunt. Unum continet obligationes affirmativas, quæ nempe consistunt in faciendo. Alterum obligationes negativas complectitur. Affirmativæ, quæ arctant conjuges in faciendo, sunt quatuor, Videlicet 1. ut simul cohabitent. 2. Ut sibi mutuò alimenta præstent. 3. Ut liberos bene educent. 4. Ut sibi invicem debitum reddant. Inverso ordine ponitur quarto loco hæc obligatio, quem aliàs liberorum educatio sibi posceret, quæ debiti red-
ditione

Yyy

ditione